

To. 2.

SCHEDIASMA JURIDICUM,

In quo de hoc Themate differitur:

Jus Civile computat gradus in Lineâ collateralî
etiam eo modo quò Jus Canonicum;

Quodque

PERILLUSTRI DOMINO

DOMINO

JO. FRIDERICO
BACHOVIO,

BARONI AB ECHT, IN ROMSCHVTZ ET DOBI-
TZSCHEN, SACRÆ CÆSARÆ MAIESTATIS CONSILIA-
RIO IMPERIALI AULICO, IN AULA SAXO-GO-
THANA SANCTIORUM CONSILIORVM
DIRECTORI DOMINO DEMISSE
COLENDO



inscriptum est

JOH. PHILIPPO Treiber / Philos. &
J. U. D. Facult. Philos. Jenens. Adjuncto, & P. L. C.

JENÆ, apud Joh. Jacobum Ehrh.
M. DCCII.



ADLECTOREM.



x iis Veritatibus, quas hactenus indagatas stitimus, jam quoque proficit Juridica sequens: *Jus Civile computat gradus in linea collateralis etiam eo modo, quo Jus Canonicum.* Quam ipsam in presenti Schediasmate eâ, quâ convenit, modestiâ, expendere decrevimus:

I. Positivæ

1. Per Probationes, quæ desumta erunt

1. Ex Systematibus Juris antiquioris, sequidem ex Systematis

- (1. Elementari, Institutionibus
- 2. Acroamatico, Pandectis

3. Ex Jure Novellarum, Novella sc. 138.

2. Per Consiliaria, quæ erunt hæc

1. Quid in computatione testis etiam locum habere possit in lii linea collateralis in æqualem & inæqualem.

2. Quid in computatione civili etiam uti possimus Regulis, quæ Jus Canonicum præscribit computatis gradus in linea collatæ ali æquali & inæquali.

II. Politicæ per everfiones objectionum, desumptarum

- (1. Ex Jure Civili.
- 2. Ex Jure Canonico.

Caput Primum

Exhibens positivam Thematici nostri tractationem;

Expendens Thesin nostram principalem per probatōnes.

Thes. I.

Firmitudo primarii nostri Lemmatis paratur [N] Ex Institutis, et quidem I.) Ex §. 7. Instit. de Capit. dimin. ubi Imperator talia docet: *Cum autem ad agnatos tutela pertineat, non simul ad omnes pertinet, sed ad eos tantum, qui proximioris gradus sunt, vel, si plures ejusdem gradus sint, ad omnes pertinet, veluti, si plures fratres sint, qui unum gradum obtinent pariter ad tutelam vocantur.* II.) Ex §. 3. Instit. de legit. agnat. success. ubi dicitur: *Quare etenim uno eodemque gradu naturali concurrente, et agnationis titulatum in masculis, quam feminis æquā lance constitutum etc.* III.) Ex §. 5. Instit. de leg. agn. success. ubi Imperator ait: *Si plures sunt gradus agnatorum, apertè Lex duodecim tabularum proximum vocat. Itaque si (verbi gratia) sint defuncti frater & alterius fratris filius aut patruus, frater potior habetur. Et quamvis singulari numero usa Lex duodecim Tabularum proximum vocet, tamen dubium non est, quin, si plures sint ejusdem gradus, omnes admittantur. Nam & propriè proximus ex pluribus gradibus intelligitur, & tamen non dubium est, quin, licet unus sit gradus agnatorum, pertineat ad eos hereditas.* IV.) Ex Principio Institut. de assignat. Libert. in quo ita discribitur: *In Summa, quod bona libertorum attingit, admonendi sumus consuisse Senatim, ut, quamvis ad omnes patrōni liberos, qui ejusdem gradus sunt, æqualiter bona libertorum pertineant, etc.*

§ Ex his Institutionum locis cognoscitur, quod Jūs Civile in lineā collateralī interdum etiam plures personas generatas, nimirum plures collaterales & fratres. unius et ejusdem gradus esse, itemque plures masculos & feminas (uti sunt fratres & sorores) æquā lance constitutos esse reputet, quodque

que ita idem Jus Civile in linea collateralī non semper plures gradus numeret, possitis pluribus personis generatis. Plures enim fratres, & sorores, qui in his §§. unum gradum obtinere dicuntur, sunt plures personarū generarū, suntque etiam collaterales. Cum autem Jus Canonicum in lineā collateralī gradus quæ non computet eo modo, ut tot gradus numeret, in illā, quot generationes sunt, ipsumque speciatim quæ plures fratres et sorores in unum gradum computet, in dubitantes promanat, quo Jus Civile in his §§. in lineā collateralī eodem modo gradus computet, quo Jus Canonicum.

Th. II.

Multū roboris assertioni nostræ principalī (2) accrescit per Leges Pandectarum, videlicet l.) per l. i. §. 2. ff. de grad. & affin. ubi alia legere licet: *Sed admonendi sumus, si quando de hereditate vel bonorum possessione quarimus, non semper eos, qui e jusdem gradus sunt, concurrere. II.) per legis 10. § phum 1. ff. eod. qui sequentia continet: Primo gradu cognationis sunt sursum verum duo, pater et mater, deorsum versus duo, filius & filia, qui tam men & plures esse possunt.*

§. Ex his Pandectarum II. iterum luculenter patet 1.) quod Jus Civile, plures personas unius gradus esse posse, doceat, & in specie duas personas generatas atque collaterales, filium & filiam, imò, & plures in eundem gradum collocet, quodque sic 2.) Jus Civile non semper numeret personas ad latus positas, & peculiariter filios & filias, qui sunt fratres & sorores, non semper ut collaterales & ut generatas personas ad latus positas computet, sed interdum etiam ut descendentes ab eodem fonte, atque ut æqualiter in primo gradu, distantes ab eo. Non autem aliter procedit & Jus Canonicum. Hoc enim 3.) etiam plures personas collaterales, & speciatim plures filios & filias in unum gradum computat, eosque 4.) non numerat

merat ut personas generatas ad latus positas, (illud enim non numerat personas ad latus positas) sed ut *descendentes ab eodem* scilicet, atque, ut æqualiter in primo gradu distantes ab eo. Quid igitur ex modo dictis aliud consequitur, quam, quod Jus Civile in II. ff. allegatis gradus in linea collati, etiam eo modo computet, quo Jus Canonicum.

Thes. III.

T in sem (v) elucescit Ratione nostræ veritas etiam ex Jure Novellarum, et quidem I. ex Novellæ 118. Capite III tio in fine, ubi dicitur: *Si vero neque fratres, neque filios fratrum (sicur diximus) defunctus reliquerit: omnes deinceps à latere cognatos ad hereditatem vocamus, secundum unius cuiusque gradus prærogativam: ut viciniore gradu ipsi reliquis præponantur. Si autem plurimi ejusdem gradus interveniant, secundum personarum numerum inter eos hereditas dividatur; quod in capita nostræ leges appellant.* II.) Ex ejusdem Novellæ Vto (quod de legitima è latere cognatorum tutela agit) Capite in fine, ubi talia verba exhibentur: *Si autem plurimi eundem cognationis gradum habentes ad tutelam vocantur, jubemus etc.*

§. Horum allegatorum prius ostendit, quomodo, fratribus, & fratrum filiis deficientibus, inter plures collaterales, (v. g. fratrum nepotes aut pronepotes) qui ejusdem gradus sunt, hæreditas dividatur? Posterius ostendit: quod plurimi collaterales ad tutelam legitimam vocentur, si *eundem gradum* obtineant. Non autem aliam, uti pluries diximus, in computandis his personis, methodum observat Jus Canonicum. Itaque nec hæc loca Novellæ 118, aliud ostendunt, quam quod in his Jus Civile gradus in linea collateralis eodem computet modo, quo Jus Canonicum.

SECTIO II.

In qua Porismata Thematicæ nostræ ponderantur.

A.

Th.

Th. I.

Stabilità jam nostrà propositione principe, immediate eam, ejusque fundamenta consecretantur propositiones aliz, quarum prior est sequens: *In computatione civili etiam locum habere potest distinctio lineæ collateralis in æqualem & inæqualem.*

§. Equidem alias lineæ collateralis Jure tantum Canonico divisa dicitur in lineam æqualem & inæqualem, cum divisio hæc in Jure Civili expressa non inveniatur. Quoniam tamen Jus Civile 1.) v. g. plures fratres, adeoque plures collaterales *unum gradum* obtinere posse concedit, (supra alleg. §. 7. Inst. de cap. dimin. & cæteris locc. ex Jure Civ. supra citt.) quod est: *Plures in lineæ collateralis æqualiter distare posse à stipite, & 2.)* §. 3. Inst. de legit. agnat. success. hæc verba repræsentet: *Et agnationis titulis tam in masculis quam in feminis æqualitate constitutis etc.* profecto ex his argumentari possumus ad lineam collateralem æqualem, & ab hac facile ad inæqualem. Etenim, qui concedit æqualem, statuit & inæqualem, cui æqualem opponit, Nam *agnationis tituli æqualitate constituti* iis, qui in lineæ collateralis æquali sibi sanguine propinqui sunt, commode attribui possunt, Collaterales enim etiam sunt agnati, & æqualitate constituti sunt æqualiter distantes à persona, de qua quæritur, aut à stipite. Et sic collaterales æqualiter à stipite distantes sunt ii, qui in lineæ collateralis æquali positi sunt. Quare, licet divisio lineæ collateralis in æqualem & inæqualem expressè non doceatur in Jure Civili, tamen, quia ea exinde argumento legum probari potest, nobis saltim eatenus assentiendum est, quatenus asserimus; In computatione Civili locum habere posse distinctionem lineæ collateralis in æqualem & inæqualem.

Th. II.

Deductionem prioris nostri porismatis excipere debet illatio consecutarii posterioris & insequentis: *In computatione Civili etiam uti possumus Regulis, quæ sunt Canonum præfatis computationis gradus in lineæ collateralis æqualis & inæqualis.*

§.

§. Regula secundum quam de Jure Canonico computantur gradus in linea collateralis æquali, est hæc: Quotogradu alterutrum a persona, de cujus cognatione queritur, distat à communi stipite, eo gradu ille persona distans inter se. Et Regula, secundum quam de eodem jure gradus in lineâ inæquali computantur, est sequens: Quotogradu remotus (ex iis, quarum coniunctio investigatur) distat à communi stipite, toto distans inter se, C. 9. X. de Conf. & Affin. C. XX XV. q. 5.

§. 2. Jam, quia Jus Civile [1] in §. 7. Inst. de Capit. diminut. & aliis supra citat. locc. plures fratres unum gradum obtinere posse statuit, certè non aliam ob causam id concedit Jus Civile, quam eam: quod quisque fratrum æqualiter distat à patre; Nullus autem plarium illorum fratrum, qui unum gradum obtinent, secundo gradu distat à patre; aliis enim illi non obtinerent unum gradum. Nam, si fratres, obtinentes unum gradum, à stipite distarent secundo gradu, certè in horum gradu investigando aut () ab uno fratrum, ascendendum esset ad stipitem, et ab hoc ad reliquos fratres descendendum, & ita ille, à quo ascenderetur ad stipitem, primo gradu à stipite distaret, reliqui autem secundo; adeoque non eundem gradum cum reliquis fratribus obtinerent; aut () à stipite descendendum ad unum fratrem, et ab hoc ad reliquos, & ita ille, ad quem à stipite descenderetur, primum, reliqui autem secundum gradum obtinerent, adeoque non eundem cum reliquis fratribus. Cum itaque unusquisque illorum fratrum, qui unum gradum obtinent, à stipite non distent secundo, sed primo gradu (veluti id etiam expresse docet d. l. o. §. 12. ubi plures filii & filiz, qui certè sunt plures fratres & sorores, in primo gradu distare à stipite dicuntur) certè, quotogradu illi fratres unum gradum obtinentes distant à communi Stipite, toto gradu etiam illi, considerati ut æqualiter & uno gradu distantes à stipite, distant inter se, proptereaque uti possumus in hac computatione Civili etiam illà Juris Canonici Regulà: *Quotogradu*

gradu aliqua persona ex iis, de quarum cognatione quæritur, distans à communi stipite, eo gradu inter se distans.

§. 3. II.) Quia supra ex Nov. 118, Cap. III. unum gradum obtinere posse dicuntur plures illi collaterales, qui deficientibus fratribus & fratrū filiis ad hæreditatem vocantur, suntque fratrū nepotes & pronepotes; profecto hi ipsi ab eo, de cuius hæreditate quæritur, distabunt in linea collateralī æquali in tertio & quarto gradu à stipite, quandoquidem enim hi fratrū nepotes unius gradus (nepotes) esse dicuntur, etiam fratrū filii & fratres ita computandi sunt, ut plures eorum unum gradum conficiant. (Alias enim confusa numeratio graduum oriretur, si plures alii in unum gradum computentur, plures autem alii tot gradus conficere asserantur, quot personarum illarum sunt.) Et propterea fratres ejus, de cuius hæreditate quæritur, in primo gradu, horum filii in secundo, eorum autem nepotes in tertio, pronepotes in quarto gradu ab eo distabunt de jure Civili, & ita non aliter quam uti de jure Canonico. Ergo etiam in hoc casu, videlicet in gradibus ulterioribus lineæ collateralis æqualis uti possumus regulā illā, quā juxta Canonice utitur in computandis gradibus istius lineæ.

§. 4. III.) Si videmus in eodem contextu pluries allegati §. 7. Inst. de cap. dimin. ubi plures fratres unum gradum obtinere dictum est, mentio sit gradus *proximioris*; & porro, quandoquidem in eodem contextu capituli III, ex Nov. 118, in quo si plurimi collaterales ejusdem gradu inveniuntur, dictum est, exprimuntur quædam de *vicinioribus gradu*, quod scilicet hi reliquis præponantur, certè exinde concludimus I.) quod juxta Civile viciniore & proximiores gradu relative opponat remotioribus, quos illud indigitat in verbo; *reliquis*. Vicinior enim gradu & remotior sunt relata & simul, ut igitur ibi, ubi in jure Civili statuuntur viciniore gradu, necesse sit, etiam remotiores statuuntur. Non enim cogitare possum viciniorem gradu,

du, nisi simul cogitem aliquem, quo hic vicinior gradu est. Et talis est: remotior gradu. II.) Quod de Jure Civili in linea collateralium inæquali etiam plures viciniore aut plures remotiores unum gradum obtinere possint, & sic in computatione viciniorum, ac remotiorum gradu in linea collateralium, non semper personarum & generationibus, sed interdum etiam distantiarum à stipite, per consequens eodem etiam modo gradus in linea collateralium inæquali numerentur, quo eos Jus Canonicum computat; quodque ita III.) nil incongrui admittamus, si eandem in civili computatione collateralium, viciniorum & remotiorum adhibeamus regulam, quam adhibet Jus Canonicum in computandis collateralibus inæqualiter distantibus, seu in linea collateralium inæquali.

§. 5. Cæterum ex sæpius allegatis locis Juris Civilis, quæ de materia tutelarum & successionum agunt, & plures collaterales unum gradum obtinere posse docent, luculenter etiam cognovimus, quod *καὶ ἱερότερον* sic dicta computatio civilis, videlicet numeratio generationum, non semper locum habeat in tutelis & successionibus, sed interdum etiam in harum materiarum casibus tantum numeratio distantiarum à stipite instituitur.

CAPUT II.

Thesi principem polemicè discutiens.

Th. I.

Primaria nostra propositio demonstrata & illustrata hæcenus est per probationes & confectaria; jam advertenda sunt ea, quæ ipsam impugnant. In ordinandis autem antithesibus rationem habebimus ordinis thesium in prius caput collocatarum. Et quidem *Primo* ominati sumus objectionem, quæ ferire videtur Thesis I. II. & III. cap. I. Sect. I. in quibus, plures collaterales de Jure Civili etiam unum gradum obtinere, contenditur. Illaque obiectio est talis: *Plures collaterales sunt plures persone generate, cum autem plures persone generate plures gradus conficiant; semper enim persona generate a gradu adjicit, per §. 7. Insti. de Grad. cognat. & legem 10. §. 10. ff. de Gradib. & affin. ubi extat: Hic à proximo in proximum, i. e. in eum, qui quasi ex eo nascitur, transe-*

amus.

amus. Adde l. fin. §. nam quousq. in fin. ff. de grad. & aff. ibi: Similiter enim accedentibus singulis, crescit numerus. Ideoque, pluribus collateralibus positis, ponuntur plures gradus, Ergo illi non possunt in unum computari gradum de Jure Civili, veluti possunt de Canonico.

§. 1. Hæc objectio removetur, si distingvamus aut I.) inter gradum naturalem & civilem, aut II.) inter numerationem generationum, & numerationem distantiarum à stipite, aut III.) inter gradum sumtum pro transitu de personâ in personam, & gradum pro distantia à stipite sumtum; aut IV.) inter gradum sumtum pro distantia personarum à stipite, & inter gradum, sumtum pro distantia personarum ab invicem ratione numeri generationum; aut V.) inter computationem graduum, quâ plures personæ collaterales, computantur ut collaterales seu, ut ex transverso possint, atque computationem graduum, quâ plures personæ collaterales computantur non ut collaterales, sed ut ab uno stipite æqualiter vel inæqualiter descendentes.

§. 2. Prima distinctio fundamentum suum nacta est insupra adducto §. 3. Inst. de legitim. agn. success. ubi dicitur: *Quare etenim uno eodemque gradu naturali concurrente etc.* ubi per gradum naturalem Imperator intelligit intervallum, quo quis à stipite, sibi sanguine (naturaliter) juncto distat. Nos autem, ab usu termini: *gradus naturalis*, tanquam alterius membri nostræ distinctionis, ad valorem termini: *gradus civilis*, tanquam oppositi membri, argumentantes, per gradum civilem intelligimus transitum de personâ in personam, *arg. l. 10. §. 10. ff. de grad. & aff.*

§. 3. Secunda distinctio vult hoc, quod alia computatio graduum sit, si tot numerem gradus, quot sunt personæ generatæ, alia computatio, si de pluribus personis dispiciam, quoto intervallo à stipite distent? in hac enim computatione plures personas æqualem à stipite distantiam habentes in unum gradum conjicere possum.

§. 4. Tertiam Distinctionem suggesit nobis Pomereschius ad §. 1. Inst. de Nupt. n. 37. ita commentans; *Gradus est de proxi-*

in proximum transitus. l. 10 §. 1. d. grad. (38. 10) seu (puta, si gradum pro distantia a stipite sumamus) intervallum, quo cognoscitur, quæ persona propior sit stipiti. Cum hæc definitione coincidit definitio gradus naturalis, quam supra §. 2. proposuimus.

§. 5. Quartæ distinctionis membrum prius jam explicatum dedimus, posterius respondet usitatæ passim definitioni gradus, quæ is dicitur distantia unius personæ ab aliâ, per generationem facta. Vid. Dn. Menckens in Additam. ad Struv. lpr. Lib. I. T. V. Aph. II. §. 7. Sam. Strych. in Fundament. Jur. Justin. Lib. I. Tit. X. §. 1. n. 3.

§. 6. Quinta distinctio hunc habet sensum: Alia computatio graduum est, si in arbore consanguinitatis latera & personas ex transverso positas connumeremus, alia computatio graduum est, si citra respectum numeri collateralium, tantum intervalla numeremus, quibus collaterales ab eodem stipite descendentes, ab hoc ipso distant, veluti hoc factum est in l. 10. §. 12. ff. de grad. & affin.

§. 7. Propositam & explicatam distinctionem nostram quintuplicem, jam etiam ad objectionem in Thesi propositam applicabimus, & quidem sequentiratione: Sensus hujus periodi: Semper persona generata adjicit gradum, est aut I.) hic: Semper persona generata gradum adjicit civilem, aut II.) talis: Semper generata persona gradum adjicit, si numerem generationes; aut III.) sequens: Semper generata persona gradum adjicit, si gradum sumam pro transitu de personâ in personam; aut IV.) iste: Semper persona generata adjicit gradum, si gradum sumam pro distantia personarum ab invicem ratione numeri generationum; aut V.) hujusmodi: Semper persona generata in lineâ collateralis gradum adjicit, si plures persona collaterales compunguntur in persona ex transverso posita.

§. 8. Sensus autem objectionis I.) non est hic: Semper persona generata gradum adjicit naturalem; nam plures personæ generatæ, æquali intervallo distantes à stipite, non nisi unum gradum naturalem obtinent, per §. 3. Inst. de legat. agnatorum succ. Nec II.) sensus ejus est talis: Semper persona generata gradum adjicit, si numerem di-

stantias à stipite. Nam plures personarum generatarum collaterales possunt unam & eandem distantiam à stipite obtinere. Ideoque non semper persona generata, inter eas gradum adjicit. III.) Ob eandem rationem distinctio tertia & quarta non patitur sensum regulæ sequentem: *Semper persona generata gradum pro distantia à stipite summum adjicit.* IV.) Nec sensus ejus est hujusmodi: *Semper persona generata adjicit gradum, si plures personas collaterales non ut collaterales comparcem, sed ut ab uno stipite æqualiter vel inæqualiter distantes descendentes.* Non, inquam, sensus ejus est iste. Nam in sæpe citata l. 10 §. 12. sunt plures personarum collaterales tanquam descendentes à stipite æqualiter distantes in unum gradum computatæ. Ideoque tunc non unaquæque persona generata adjicit gradum, si plures personas collaterales computem ut descendentes ab uno stipite æqualiter distantes.

§. 9. Largissimè circa hanc interpretationem nobiscum consentiunt: Carpzovius in *Arbore Consanguinitat.* Disp. I. cap. I. n. 37. & 38. atque Autor *Disertationis* [quæ B. Dn. Petri Mulleri curâ denuò prodiit & hypomnemati suo de annulo pronubo annexa est] illustris Dn. Z. P. à L. §. 21. de modo ac usu computationis graduum. Horum uterque allegat consentientem insuper Georgium Schults in tract. d. arb. Consangu. & affin. c. 2. n. 11. in fine. Prior autem, nempe Carpzovius, ita disserit: *Ceterum, quod dicitur, semper personam generatam gradum adjicere, dist.* §. 7. *et l.* 10. §. 9. ff. de grad. & affin. hoc neutiquam de pluribus unius parentis generatis accipere debet, ita, ut unusquisque gradum adjicere novum; sed omnes ac singuli in primo à patre gradu existunt, nec filiorum unus distat remotior à patre quam aliter, nec nepos unus, quam aliter, ab avo. Georg. Schults dist. cap. 2. n. 11. in fine. Posterior, nempe Illustris Dn. Z. P. à L. ita inquit: *Quod tamen ita intelligendum non est, ut, si alicui plures filii filiarum nascentur, quamque personam gradum adjicere putemus; sed totam illam primam generationem Patris in primo gradu esse, cum filiorum unus non distet remotius à Patre, quam aliter, nec nepos unus, quam aliter ab avo.* Georg. Schults in d. tr. cap. 2. n. 11. in fine.

§. 10. Unde patet, quod Dominus Carpzov. & Autor disertationis, de modo ac usu computationis graduum, in re ipsa conveniant nobiscum circa hanc Thesin: *Jus Civile in linea collateralis computat gradus etiam eo modo, quo Jus Canonicum.* Dum enim uterque docet: Regulam hanc: *Semper generata persona gradum adjicit, ne utrumque de pluribus unitis parentis gnatis aut nepotibus (qui certe sunt fratres & sorores, adeoque collaterales) accipiendam esse, cum hi respectu patris & avi æqualiter distent & unum, puta filii unum & primum, nepotes unum & secundum gradum possideant; certe iidem per hoc docent, quod Jus Civile, respiciens ad distantiam a stipite, non latera aut personas collaterales ut collaterales numeret, sed computet eas ut descendentes. Quod ipsum cum pariter modo peragat Jus Canonicum (hoc enim nunquam latera, adeoque plures collaterales non ut collaterales, sed ut descendentes ab eodem stipite numerat; confer superius dicta §. 1. Th. II. sect. I. Cap. I.) re ipsa Doctores illi nobis ad stipulantur, quod Jus Civile etiam eo modo collaterales computet, quo Jus Canonicum. Et hinc iidem ibi, ubi proposuerunt differentiam computationis civilis a canonica, intendunt digitum saltem in computationem civilem, aut etiam sic dictam, seu numerationem generationum.*

§. 11. Cæteram observavimus: Jus Civile solere generationes eo casu numerare, quando quaestio est de duabus saltem personis, veluti in materia de nuptiis, distantias autem à stipite tum, quando quaestio est de pluribus v. g. in materia de elz legitimæ, & successione.

Th. II.

Secundo obstat Thesis Sectionis I. Capit. I. sequens dubium: *Jus Canonicum in linea collateralis numerat primum gradum can. ad selem 2. v. fr. fratres, can. 35. quæst. 3. Jus autem Civile nunquam primum gradum numerat; n. m. l.) in præf. Inst. de Gradib. cognat. dicitur, Et superior quidem & inferior cognatio à primo gradu incipit, at ea, quæ est transverso numerantur, à secundo. (II.) in l. 1. §. 1. ff. de gradib. & affin. expresse extant hæc: Sed superior quidem & inferior cognatio*

ratio à primo gradu incipit ex transverso, sive à latere, nullus est primus gradus, & ideo incipit à secundo etc.

Ergo verum non est, quod Jns Civile in linea collateralis eodem modo computet gradus, quo Jns Canonicum.

§. Hæc tamen obstantia loca facile conciliari possunt cum adductis supra locis thesin nostram probantibus, si & heic adhibeamus unam saltem distinctionem ex propositis §. 6to Theseos præced. & dicamus: Ex transverso, sive à latere, nullus est primus gradus de jure Civili, si collaterales computentur collaterales, seu, si in arbore consanguinitatis computentur latera; est tamen ex transverso sive à latere, primus gradus de Jure Civili si collaterales computentur ut immediatè descendentes ab eodem stipite, quemadmodum in L. 10. §. 1. ff. de gradib. & affn. plures filii & filiz (qui certè sunt fratres & sorores, adeoque collaterales, ut sæpius hoc recoximus) in primo gradu agnationis deorsum versum esse dicuntur. Junge ea, quæ diximus §. 1. Th. II. Sect. II. cap. I.

Th. III.

Testia quam nobis prælagivimus, objectio obest §. 1. Th. II. Sect. II. cap. I. ubi contenditur: Plures fratres, qui unum gradum obtinent, esse de Jure Civili in primo gradu lineæ collateralis; illaque objectio est hæc: *Quando plures fratres unum gradum obtinent, tunc pater aut mater eorum est in primo & ipsi in secundo gradu; pater enim, pariter mater, est prior filiis.*

§. 1. Hanc objectionem enodamus distinguendo inter prioritatem patris & matris, quæ ipsi priores sunt liberis ratione existentiz, & inter prioritatem patris aut matris, quæ ipsi priores dicuntur liberis ratione gradus in computatione graduum. Et concedimus quidem, quod pater aut mater sint priores liberis ratione existentiz, sed fortiter negamus valorem consequentiz à prioritate existentiz, quæ parentes priores sunt liberis, ad posterioritatem distantiz graduum in computatione fratrum, qui unum gradum obtinent. Pater enim & Mater, quatenus in computatione fratrum, qui unum gradum obtinent, sub considerationem cadunt, non considerantur absolute ut homines, priores

priores ratione existentiz, sed *relative*, scilicet ut pater & mater, qui, quatenus tales, non sunt priores liberis; cum pater & mater eatenus relatorum more, simul sint cum liberis; & ita neque parentes liberis priores, neque hi parentibus posteriores in computatione graduum. Utrique enim ab invicem uno saltim & primo, gradu distant. Fratrum enim filii à fratribus unum gradum obtinentibus, horumque parentibus, posteriore & secundo distant gradu.

§. 2. Imò quod pater & mater, quatenus in computatione graduum velut correlata filiorum considerantur, eo casu non obtineant primum gradum, nec filii secundum, quando plures fratres unum gradum obtinere contingit, sequenti insuper pacto demonstrare satagimus: Si pater aut mater fratrum, qui unum gradum obtinent, est in primo gradu; sane tunc hi etiam ab illis distant primo gradu. Quoto enim gradu stipes distat a personis generatis, toto etiam gradu hæc distant à stipite. Si ergo fratres plures unum gradum obtinentes primo gradu à stipite distant, non distant secundo.

§. 3. Accuratiorem hujus dubii solutionem mandamus Dilemmati sequenti:

Si plures fratres, unum gradum obtinentes, in secundo gradu sunt,

Aut illis distant secundo gradu à stipite,

Aut distant secundo gradu à se invicem;

Sed non à stipite; stipes enim ab ipsis primo gradu distat, ergo & hi primo gradu ab eo distant.

Neque à se invicem, quia, si ab invicem plures fratres unum gradum obtinentes distarent secundo gradu, certe aliquis aut aliqui eorum primum, & aliqui eorum secundum, & sic non unum eundemque obtinerent.

Ergo plures fratres unum gradum obtinentes, plane non distant secundo gradu.

§. 4. Ideoque plures fratres, unum & primum gradum obtinentes non aliter computantur de Jure Civili, quam de Jure Canonico.

Th. IV.

Quarta, quæ nobis obesse visa est, antithesis, deprompta est ex Canone ad sedem 1. vers. fratres, caus. 35. quæst. 5. Ubi Alexander II. Pontifex ait: *Duos gradus legales unum constituere Canonicum in linea scilicet æquali.* Quod si itaque ipsummet Jus Canonicum refragatur asserto: *Jus Civile etiam eo modo computat gradus in linea collateralis, quo Jus Canonicum;* fidem non merens æstinabitur principalis nostra Thesis.

§. 1. Dubium hoc iterum, accommodata saltem unica ex suprarrecensitis distinctionibus, averruncabimus sequenti modo: Verus est ille textus Juris Canonici, si ita explicetur: *Duos gradus legales, i. e. duo transitus de persona generatâ in generatam constituunt unum canonicum, i. e. unam distantiam à stipite in linea collateralis æquali.* Verus autem non est ille textus, si ita eum interpretemur: *Duo gradus legales, quatenus signant duas distantias à stipite, constituunt unum canonicum, i. e. unam distantiam à stipite in linea æquali.* Quod enim hoc sensu verus non sit oppositus ille textus, I.) expressi Juris civilis textus illi, quos supra exhibuimus, satis evincunt, utpote in quibus plures personæ, unam distantiam à stipite habentes, unum gradum, & sic unum canonicum, i. e. unam distantiam à stipite obtinere dictæ sunt, ut sic duo gradus legales, quatenus signant duas distantias à stipite, non unum sed duos canonicos, seu duas distantias à stipite constituere possint. II.) si duo gradus legales, quatenus signant duas distantias à stipite, constituerent unum Canonicum, seu unam distantiam à stipite, certè duæ distantie essent una distantia.

§. 2. Itaque sub sensu priore capienda sunt illa Pontificis verba, quæ in hac ultimâ Thesi expressimus; ast tunc ea nobis non officiant. Nam nos non negamus: Duos transitus de personâ in personam, i. e. duos gradus legales κατ' ἑξῆς sic dictos, constituere posse unam distantiam, seu unum gradum canonicum in linea collateralis æquali.

TANTUM!

